



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-1/21-1-40-226-2/23

Datum: 01.06.2023. god.

«Agencija za vodno područje rijeke Save» Sarajevo rješavajući po zahtjevu podnesenom od strane „Operator – Terminali Federacije” d.o.o. Sarajevo za donošenje Rješenja o prethodnoj vodnoj saglasnosti za rekonstrukciju i dogradnju upravne zgrade izgrađene u naselju Blažuj, općina Ilidža, na osnovu člana 139. stav (1) Zakona o vodama («Službene novine Federacije BiH», broj 70/06) i člana 200. Zakona o upravnom postupku («Službene novine Federacije BiH», broj 2/98, 48/99 i 61/22) **donosi**

RJEŠENJE

1. Odbija se zahtjev podnesen od strane „Operator – Terminali Federacije” d.o.o. Sarajevo za donošenje Rješenja o prethodnoj vodnoj saglasnosti za Rekonstrukciju i dogradnju upravne zgrade – LOT 2, izgrađene u naselju Blažuj, na zemljištu označenom kao k.č. broj 1415 K.O. Vlakovo, općina Ilidža, zbog nepostojanja uslova za vođenje upravnog postupka s obzirom da za predmetnu aktivnost, shodno odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovo Rješenje o odbijanju ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.

Obrazloženje

Pravno lice „Operator – Terminali Federacije” d.o.o. Sarajevo je podnio zahtjev ovoj Agenciji za donošenje rješenja o prethodnoj vodnoj saglasnosti za rekonstrukciju i dogradnju upravne zgrade – LOT 2, izgrađene u naselju Blažuj, na zemljištu označenom kao k.č. broj 1415 K.O. Vlakovo, općina Ilidža.

Uz zahtjev je dostavljena slijedeća dokumentacija:

- Ovjerena kopija Rješenja o izmjenama podataka u sudski registar Općinskog suda u Sarajevu, broj: 065-0-Reg-22-002983 dana 10.02.2023. godine;
- Ovjerena kopija uvjerenja o poreznoj registraciji donesenog od strane Porezne uprave F BiH – Kantonalni porezni ured, dana 11.02.2015. godine;
- Ovjerena kopija obavještenja o razvrstavanju pravnog lica prema klasifikaciji djelatnosti donesenog od strane Službe za statistiku za područje Kantona Sarajevo, broj: 07-32.5-2831/15 od 06.02.2015. godine;
- Kopija Rješenja o odobrenju za rekonstrukciju skladišta naftnih derivata S-106 u Blažuju, donesenog od strane Federalnog Ministarstva prostornog uređenja, broj: UPI/03-23-2-266/19 dana 05.01.2022. godine;
- Ogovor KJKP „Vodovod i kanalizacija” d.o.o. Sarajevo o mogućnosti priključenja na kanalizacionu mrežu, broj: 1031-1/23, 1031-2/23 dana 05.04.2023. godine;
- Glavni – izvedbeni projekat rekonstrukcije i dogradnje postojećeg objekta Upravne zgrade OTF-a, urađena od strane „ecoplan”, 10./2020. godine;
- Dokaz o uplaćenju upravnoj pristojbi.

Nakon pregleda dostavljene dokumentacije konstatovano je slijedeće:

Na zemljištu označenom kao k.č. broj 1415 K.O. Vlakovo, općina Ilidža Sarajevo, podnosilac zahtjeva je izvršio rekonstrukciju i dogradnju upravne zgrade – LOT 2, koja se nalazi u sklopu Terminala naftnih derivata S-106 u Blažuju. Pregledom dotavljene projektne i druge dokumentacije utvrđeno je da na predmetnom lokalitetu nema produkcije tehnoloških otpadnih voda, niti oborinskih onečišćenih

voda kako je to utvrđeno odredbama člana 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20,96/20). U smislu odredbi člana 109. Zakona o vodama, a u skladu sa članom 218. Zakona o upravnom postupku, ovaj organ našao je da po podnesenom zahtjevu ne postoje uslovi za donošenje rješenja o prethodnoj vodnoj saglasnosti iz nadležnosti ove Agencije. Iz razloga naprijed navedenih, a u skladu s članom 110. stav (3) Zakona o vodama i članom 2008. stav (2) Zakona o upravnom postupku riješeno je kao u dispozitivu Zaključka.

Pouka o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Zaključka.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac Sektora za izdavanje vodnih akata


Paris Ališehović, dipl. ing.građ.

PRILOG: Glavni – izvedbeni projekat rekonstrukcije i dogradnje postojećeg objekta Upravne zgrade OTF-a, urađena od strane „ecoplan“, 10./2020. godine

Dostaviti:

- „Operator – Terminali Federacije“ d.o.o., ul. Mustajbega Fadilpašića broj 1, 71000 Sarajevo (sa prilogom)
- AVP Sava, ISV – Vodna knjiga
- Sektor 40, arhiva
- Oglasna ploča AVP Sava